

堅

瓠

集

堅瓠集卷之二目錄

文文山子弟

聶碧腮詩

憫農詞

巧對

回回偈

夢草齋

郭馮相頻

送竈詩

瞿存齋詩

祝壽

回回敬孔聖

碑詞

銷金鍋

水仙子詞

村婦道傍便旋

王西樓詞

咏妓

賀婢生子啓

應履平

海剛峯

十二辰詩

王千李三

勉甥

宗人入學

觴則

此對

一對減死

陳王父詩

朝新貴

九月桃花

驛丞登第

詩增教授

江東太守

朱原虛

詩止飛稅

張翼德廟

寄夫詩

孝宗對語

李西涯

詩譏左璫

雍世陸

陳白沙詩

李程寵遇

雨帝謠

石羊鳴

于謙妾王振兒

朱靜庵

銓部

吹琵琶曲

壁詩四絕

譏奉使

吳敏德詩

劉侍郎謔詞
楊文貞咏梅
假詩投刺

夏公大度
姚少師
劉伯川識鑒

盛允高
諷觀競度
駝峯熊掌

咏桃
烏啄蝗歌
雁詩賜第

書生夜巡
七十二賢
小試冒籍

水香勸盞
賀喪妻
洗馬

周德華
春歸
道河亭詩

青桐詞
崔唐臣
神童詩

聶夷中詩
種芝麻
袁伯修

堅瓠集卷之二

長洲後進好事儒者褚稼軒輯

文文山弟子

文文溪璧文山胞弟也仕宋爲惠州知州
宋亡降元有譏之者曰江南見說好溪山
兄也難時弟也難可惜梅花各心事南枝
向暖北枝寒又輟耕錄載至元間文山有
子出爲郡教授行數驛而卒士子作詩悼

之閩人翁某一聯云地下修文同父子人
間讀史各君臣獨爲絕唱然考文山次子
佛生環生皆被執道死惟長子道生奔循
州次年八月復亡家屬皆盡遺命以壁子
陞爲後七修類藁亦載文山寄壁詩有親
喪君所盡猶子是吾兒之句爲教授者或
其人與

聶碧聰詩

聶碧窗道士哀被擄婦云當年結髮在深
閨豈料人生有別離到底不知因色誤馬
前猶自買胭脂雙柳垂鬟別樣梳醉來
馬上倩人扶江南有眼何曾見爭捲珠簾
看固姑固姑胡婦髻名

憫農詞

康熙丙寅冬於棧壁上見一詞云春顰黃
憤夏耘烈日肌膚暴亢陽爭水如珠玉逐

烏防雞收護多勞碌 送到倉場嫌水穀
節用狼藉淋失斛誰知農苦藏心腹希發
慈悲還汝兒孫福調寄一斛珠使凌虐佃
戶者見之亦當憮然諺云少收幾粒多收
幾年凡爲業主宜書此詞於租簿之首

巧對

有三女而通於一人者色美而才事發到
官出一對云三女爲姦一女皆從長女起

一女對云五人張傘四人全仗大人遮官
溝懲之又無錫人作平湖令有才名而簠
簋不飭巡方將劾之憐其才出一聯云平
湖湖鑒鑒乎湖未鑒所欲令對云無錫錫
山山無錫空得其名得以免劾又一生以
湖銀市物相爭適郡守過問知出對云使
假銀買真貨弄假成真生應聲云遇克徒
見吉星逢克化吉守卽釋之三對皆得之

稗辨有祈哀剖辯之意天賦貪淫之才所謂人皆欲殺我意獨憐者也

回回偈

堯山堂外紀載柳含春明州女子也患病禱於延慶寺而愈躬往謝一少年僧窺柳氏姿以其姓作回回偈誦於神前曰江南柳嫩綠未成陰枝小未堪攀折取黃鵬飛上力難禁留與待春深僧意女莫喻而柳

聞之恙甚歸告於父時方谷珍據明州父
因訟於谷珍谷珍拘僧至詢其姓名對曰
姓竺名月華谷珍乃召匠作大竹籠狀若
猪節將納僧以沉諸江且語曰我亦取汝
姓作一偈送汝東流吟曰江南竹巧匠作
爲籠留與吾師藏法體碧波深處伴蛟龍
方知色是空僧曰死則死耳容再一言谷
珍許之僧曰江南月如鑑亦如鈎如鑑不

臨紅粉面如鈎不上西簾頭空自照東流
谷珍知其以名爲荅笑而宥之且令蓄髮
以柳氏配焉間中今古錄以此爲谷珍女
事云谷珍內附後此女配黔國公之子在
雲南宣德間浙人仕雲南者以鄉里故得
見之

夢草圖

唐六如畫夢草圖題詩云池塘春漲碧溶溶

醉卧沙塵淺草中一夢熟時鷗作伴錦
衾何必抱輕紅按輕紅崔氏青衣崔與柳
生厚死猶冥合輕紅從焉又曹惠得木偶
夜而見夢自稱輕素

郭馮相類

郭汾陽與馮道亦有相類者郭以尚父太
尉中書令汾陽王馮以太師中書令瀛王
年俱八十餘卒有女俱配龍王皆許之而

死塑像於廟事亦同有人題馮女廟云身
既事十主女亦配九龍可供一笑

送灶詩

羅隱送灶詩云一盞清茶一縷烟灶君皇
帝上青天玉皇若問人間事爲道文章不
值錢當今之選非錢不行自唐已然豈獨
今日王季重有無不可買謠上好黃錢童
生買起到狀元絕大元寶童生買起到閣

老卽此可以覩時矣

瞿存齋詩

明初瞿存齋

宗古

詩云自古文章厄命窮

聰明未必勝愚蒙
筆端花語胸中錦
賺得相如四壁空

祝壽

還帶記嘉定沈練塘所作以壽楊一清者也
曲中有昔掌天曹今爲地主等語楊大

喜之又貴溪陶集分教楊州畫葡萄一幅
題詩云萬斛璫珠帶雨鮮摘來浸酒薦春
筵枝頭剩有千千顆一顆期公壽一年楊
亦大喜

回回

回回教門不供佛不祭神不拜尸所尊敬
者惟天天之外最敬孔聖其言曰僧言佛
子在西空道說蓬萊住海東惟有孔門真

實事眼前無日不春風

詞

洛陽大內掘得一碑有詞名後庭宴十里
故鄉十年華屋亂魂飛過屏山簇眼垂眉
褪不勝春夢花知我消香玉雙雙燕子歸
來應解笑人幽獨斷歌零舞遺恨清江曲
萬樹綠低迷一庭紅撲簌

銷金鍋

西湖之盛起於唐至南宋建都遊人仕女

画舫笙歌日費萬金目爲銷金鍋元上饒

熊進德作竹枝詞云銷金鍋邊瑪瑙坡爭

似儂家春最多蝴蝶滿園飛不去好花紅

到剪春羅明仁和張子興傑亦有詩云誰

爲鴻濛鑿此陂湧金門外卽瑤池平沙水

月三千頃画舫笙歌十二時今古有詩難

絕唱乾坤無地可爭奇溶溶漾漾年年綠

銷盡黃金總不知

水仙子詞

張明善作木仙子譏時云鋪唇苦眼早三公裸袖拉拳享萬鍾胡言亂語成時用大都來總是哄說英雄誰是英雄五眼雞岐山鳴鳳兩頭蛇南陽卧龍三腳貓渭水飛熊

村婦道傍便旋

王威寧 越善詞曲嘗於行師時見村婦便
旋道傍因作塞鴻秋曲云綠楊深鎖誰家
院見一女嬌娥急走行方便轉過粉牆東
就地金蓮清泉一股流銀線衝破綠苔痕
滿地珍珠濺不想牆兒外馬兒上人瞧見
一作陳全詞

王西樓詞

王西樓 樂喜愠不形於色其家嘗走失雞

西樓戲作蒲庭芳云平生淡泊雞兒不見
童子休焦家家都有閒鍋灶任意烹炮煮
湯的貼他三枚火燒穿炒的助他一把胡
揸到省了我開東道免終朝報曉直睡到
日頭高

味妓

弘治間吳橋令王魁免官家居以詞曲自
樂有妓爲人傷目曉下有青痕戲作沉醉

東風曰莫不是捧硯時太白墨洒莫不是
画眉時張敞描差莫不是檀香染莫不是
翠鈿寂莫不是蜻蜓飛上海棠花莫不是
明皇時墜下馬

賀婢生子啟

陸伯麟有婢育子陸象翁以啟戲之曰犯
簾前禁尋灶下盟玉雖種於藍田珠將還
於合浦移夜半鷺鷥之步幾度驚惶得天

上麒麟之兒這回喝來既可續詩書禮樂之脉深嗅得油鹽醬醋之香

應履平

明應履平爲德化令滿考吏部試論文優而貌不揚不得列上乃願詩部門曰爲官不用好文章只要鬚鬚及胖長更有一般堪笑處衣裳漿得硬綳綳不書姓名吏呈家宰曰此必應知縣也遂陞考功

海剛峯

海剛峯瑞爲應天巡撫蔡春臺國熙爲兵
備意主博擊豪強因而刀風四起有投匿
名狀者曰告狀人柳跣告爲勢吞血產事
極惡伯夷叔齊兄弟二人倚父孤竹君世
代聲勢發掘許由墳塚被惡來告發惡又
賄求嬖臣魯仲連得免今某月日挽出惡
兄柳下惠捉某籍禁孤竹水牢日夜痛加

炮烙極刑逼獻首陽薇
出三百餘畝有契
無交崇侯虎見証竊思武王至尊尚被叩
馬羞辱何況區區螻蟻
激切上告海公見
狀頗悔前事訟黨少解

十二辰詩

堯由堂載成化丙午嘉興坐者召仙降筆
問時事以十二辰爲詩云勸君莫狀相鼠
詩勸君莫歌飯牛詞騎虎之勢不得下狹

兔三窟將焉之神龍未遇囚淺水虺蛇
鯨爭雄雌千金駿馬買死骨神羊觸邪安
所施沐猴猶作供奉官鬪雞亦是五百兒
吓嗟獫狫犬下陞走牧猪奴戲令人嗤次年
憲廟升遐

王十李三

正統己未廷試榜出華亭錢原博溥倣宋
人王十李三之詩自誦曰舉頭暫且窺張

大伸脚猶能踏小張或以爲近於忿易之
曰頭上小張纔踏過舉頭又見大張來蓋
會試崑山張敬之穆第二溥第三廷試第
二用張節之和第一溥第二而穆則和之
母兄也

勉甥

明錢昕初習舉子業從張節之遊其外祖
吳思菴訥作詩遺之曰阿昕近喜習科場

百里從師日夜忙老我曾聞前輩說一憑
陰陽二文章後登正統己丑進士仕知府

宗人入學

湧幢小品載明朝宗室日多祿米日減自
將軍而下有文學者得應試爲秀才趨者
甚衆士子爲詩嘲曰願將紗帽換儒巾解
帶繫綰穩稱身老俞博得相公叫娘娘重
結秀才親一王子口占報云紗帽儒巾氣

類同繫緇脫帶掛玲瓏娘娘原抱老爺睡
喜得天潢有相公聞者絕倒

觴則

張莊簡悅致政歸田杜門不出見風俗奢
靡益崇節儉書揭屏間日客至留饌儉約
適情殺隨有而設酒隨量而傾雖新親不
擡飯雖大賓不宰牲匪直戒奢侈而可久
亦將免煩勞以安生

乩對

唐伯虎召乩仙令對雪消獅子瘦乩卽書
云月滿兔兒肥又令對七里山塘行到半
塘三里半乩又書云五溪蚩洞經過中洞
五溪中時刑部郎中黃暉亦令仙對羊脂
白玉天乩云當出了家巷田夫口中黃明
日往試之見一耕者鋤土問此何土耕者
曰此鱣血黃泥土耳衆始信其仙

一對減死

駒陰冗記載韓襄毅雍巡按江西方鞠死
獄忽誦句曰水上凍冰冰積雪雪上加霜
久不能對一囚冒死請對韓曰能對貸汝
死囚曰空中騰霧霧成雲雲開見日韓稱
善果爲減死或謂不若空中捲霧霧成雲
雲騰致雨更順但見日意于囚爲當

陳玉父

弘治間海寧陳玉善画山水其父五十忽
欲讀書坐閉一室晝夜不息者五年遂能
詩題賈似道湖山圖云山上樓臺湖上船
平章醉後懶朝天羽書莫報樊城急新得
娥眉正少年

嘲新貴

中洲野錄載樂平彭綏之福守泰州以直
道忤部使者歸適友人新登第綏之具酌

避之以影雨屢速不至乃遺以詩云倘來
名利若浮塵何事凝兄太認真咫尺泥途
行不得山陰雪夜是何人時傳誦之

九月桃花

聞高廷堅謫令番禺日鎮守府紅桃九月
盛開三司諸公皆有吟咏索題於高高題
詩云九月雷聲振海涯絳桃開遍五侯家
殷勤報與寒梅道莫遂東風浪放花

驛丞登第

百可漫志載成化間張驛丞某山東鄉試
中式督學畢瑜贈之詩曰一官恥不與清
流退食遭編自校簪枳棘豈能留彩鳳
車未必困驂騑東藩領薦名初顯西蜀題
橘志已酬脫却樊籠入佳境春雷萬里步
瀛洲老登科錄成化戊戌進士譚溥四川
瀘州人係山東蕉縣驛驛丞登第詩有西

蜀句爲溥無疑百可爲張驛丞誤前正統
辛酉豐城鄭溫以松陵驛丞南畿中式登
王戊進士登科錄及吳江志可証

詩贈教授

弘治中有老儒以貢授教職翰林某題白
頭翁送之云幽谷多年滯羽翰泮林今借
一枝安世人莫笑頭空白看取春花雨後
殘

江東太守

綠雪齋雜言載江東某太守文雅政聲頗
得時譽遣吏攜金賂劉瑾求速轉請於紫
姑仙仙降筆曰幾樹棠陰種未成使君何
事苦經營雷震怒擊冰山碎只恐錢神也
不靈苞苴久而瑾果敗太守以鑽刺落職

朱原虛

明江州朱原虛有詩名父亾時二弟俱幼

原虛匿父所遺綾錦十餘篋二弟流離居
外一口原虛召仙卽降筆曰何處西風夜
捲霜雁行中斷各悲涼吳綾越錦藏私篋
不及姜家布被香原虛得詩皇恐召二弟
分其貲勸勉之後俱登科

詩止飛稅

樂平值大造稅冊彭綬之子屬司書者飛
稅他戶綬之知之延司書飲戲吟詩曰洛

陽城中桃李花飛來飛去落誰家司書曰
當時王謝堂前燕飛入尋常百姓家綏之
曰既不飛上天飛入地不過飛以百姓家
何忍爲此乃爲詩謝之曰洪水推沙塞兩
涯推來推去只交加誰知二世宮中鹿走
過劉家又李家司書感其意飛稅乃止

張翼德廟

荊州張翼德廟題咏甚多當塗楊觀作人

頗傳誦其後四句云山勢西廻終護漢江
聲東去尚吞吳營星不隕將軍在未必中
原不可圖特有思致

寄夫詩

成化中奉新女子蕭鳳質因夫游學郡城
屬小疾爲詩以寄有云聞不安恨東西相
隔妾職有所不能盡徒涕泣懷念而已小
詩慰勉欲把相思遠寄君恐教牽動讀書

心閒花野草休關念養取葵心向紫宸又
閒居筆記載一士居太學其妻寄鞋襪并
詩云細襪弓鞋別樣新殷勤寄與讀書人
好將穩步青雲上莫向平康謾惹塵可謂
相助以正者矣

孝宗對語

明孝宗體稍不佳卽誦詩曰自身有病自
心知身病還將心自醫心若病時身亦病

心生原是病生時
苦因重九出一對
白今朝重九九重
又過一重陽未有
能對者

李西涯

李西涯

東陽

柏政無救世亂揚州陸滄浪

以詩譏之曰文章聲價斗山齊
伴食中書日又西回首湘江春
水綠鷓鴣啼羅子規啼蓋以鷓鴣
聲道行不得也哥哥子規聲道不
如歸去湘江者西涯故鄉也西涯卒

不能捨輕薄者画一醜惡老嫗騎牛吹笛
題曰李西涯相業或以告西涯西涯自題
一絕云楊妃血濺馬嵬坡出塞昭君怨恨
多爭似阿婆牛背穩笛中吹出太平歌
堯山堂謂此詩沈石田題喬姬牧牛圖未知
孰是

詩譏左璫

成化中程信叅贊南都左璫安寧時爲守

備燕程設席中爲已坐而以程位其下信
戲爲一絕云主人首席客居傍此理分明
大不祥若使周公來守備定應屋上放交
床安見詩遂分賓主

雍世隆

雍世隆秦巡鹽兩淮見灶丁貧而鰥者幾
二于人比及二年俱與完室旣去淮人咏
曰客邊蘭橈渾無碇海上遺民盡有家又

曰了却四千男女願春風解纜去朝天後
以忤劉瑾致仕

陳白沙詩

世以陳白沙詩不入法而麓堂詩話載其
題厓山大忠祠曰天王舟楫浮南海大將
旌旗仆北風世亂英雄終死國時來
亦成功身爲左袵皆劉豫志復中原有謝
公人衆勝天非一日西湖雲掩岳王官以

爲深知音律者又白沙外傳中儘有好句
如仲尼不作周公夢天下誰嗟吾道衰又
一春花鳥篇章廢萬里雲霄羽翼孤又出
墻老竹青千箇汎浦春鷗白一雙又竹徑
旁通沽酒市桃花亂點釣漁船此等句何
常不佳

李程寵遇

李東陽四歲能作大字景皇召見抱置膝

賜上林珍菓六歲時程敏政以神童同受
英宗召見過宮門不能度上曰書生脚短
李曰天子門高時御羞有蟹上曰螃蟹一
身甲冑程曰鳳凰遍體文章李曰蜘蛛滿
腹經綸上又曰鵬翅高飛壓風雲于萬里
程曰鰲頭獨占依日月於九霄李曰龍顏
端拱位天地之兩間上悅曰他日一個宰
相一箇翰林命皆廩於翰林

雨帝謠

正統末京師旱街上小兒爲土龍祈雨拜
而歌曰雨帝雨帝城隍土地雨若再來還
我土地成羣噪呼不知所起未幾有監國
卽位之事繼又有復辟之舉謂雨帝者與
弟也城隍土地謂鄜王有此土地也雨再
來還土地謂駕旋而復辟也

石羊鳴

西樵野記載徐武功有貞謫金齒過一寺
見老僧治果茗遠迎武功訝而問之僧曰
吾寺有石羊每異人至則鳴宋時一鳴蘇
相至昨夕復鳴而公適至故治菓茗以進

干謙妾王振兒

兵部侍郎項文曜媚附于肅愍公每朝待
漏必附于耳密言及朝退亦然行坐不離
時目爲干謙妾菽園雜記載戶部侍郎王

祐貌美無鬚諂事王振振甚眷之一日問
祐曰王侍郎何故無鬚祐曰老爺無鬚兒
子豈敢有鬚聞者絕倒

朱靜菴

成化間海寧朱靜菴教諭周汝航濟之妻
能詩其咏明妃曰玉容憔悴向胡天爲惜
黃金悞少年堪笑君王重聲色丹青不画
夢中賢咏虞姬云貞竟化作原頭草不逐

東風入漢郊詞氣烈烈錢蒙叟曰劉長卿
謂李季聞爲女中詩豪余於靜菴亦云

銓部

吏部曰銓部嘉靖末創立掣籤之法則改
爲籤部可矣伍蓉菴林居漫錄載一詩云
豕卿無計定官衡枯竹拈來却有靈若使
要津閉節到依然好缺作人情

改琵琶曲

崇禎壬午南畿榜發物議沸騰有告廟文
四六精工哄傳一時又改琵琶記二曲繡
帶兒云費金錢穩取圖甘旨又落得誇兒
耀妻終不見范丹寒賤有一個應舉及第
須知功名富貴錢所與錢若與不求而至
營生是把文章擲取天須鑒我我秀才不
富的情罪太師引云身將老觀場有幾得
志正當今日終不然爲着蒲把牙籤却落

後一領荷衣真痴此番榮貴雖可擬怕錢
少買不得榮貴秋闈裏紛紛的多是富儒
堪笑那沒家私的也去求試

丁酉

方猶錢開宗典試江南首題爲貧而無諂
章枋發後亦有黃鸞兒云命意在題中賤
貧兒重富翁詩云子曰全無用切磋未通
琢磨欠功其斯之謂方能中告諸公多財
子貢貨殖是家風又詩云孔方主試副錢

神題義先分富與貧定價七千方立契經
房十五不論文金陵自古成金穴白下從
今聚白丁最訝丁酉兼壬子博得財星始
發身

壁詩四絕

敖東谷英一日山行午飯農家見壁上四
絕句意甚警策或曰晦翁詩也鵲噪未爲
吉鴉鳴豈是凶人間凶與吉不在鳥音中

一耕牛無宿草倉鼠有餘糧萬事分已定
浮生空自忙二翠死因毛貴龜亡爲殼靈
不如無用物安樂過平生三雀啄復四顧
燕寢無二心量大福亦大機深禍亦深四
譏奉使

農田餘話載至正乙酉遣廷臣爲諸道黜
陟使察官吏賑貧乏褒善良禮高年奉遣
者惟以歛取民財爲事民大失望作詩曰

九重丹詔頒恩至萬兩黃金奉使回又官
吏黑漆皮燈籠奉使來時添一重

吳敏德詩

吳文恪訥由醫士薦舉仕至副都御史其
按貴州還有司以黃金百兩餽公追送至
夔州公不發封反之題詩其上曰蕭蕭行
李向東還要過前途最險灘若有賊私并
土物任教沉在碧波間

劉侍郎謔詞

滁州劉廉夫清少爲州學生當丁祭畢見
諸生爭取祭物乃戲爲彈文曰天將曉祭
祀了只聽得兩廊下鬧炒炒爭猪肉的你
精我肥爭饅頭的你大我小顏淵德行人
見了微微笑子路好勇者見了心焦爆夫
子喟然嘆曰我也曾在陳絕糧不曾見這
夥餓殍近日有做其意咏武生云也載銀

雀帽也穿粉底皂也要着襴衫也去謁孔
廟顏淵喟然歎夫子莞爾笑游夏文學徒
驚駭非同調子路好勇者怒目高聲叫我
若行三軍着他釗草料

楊文貞咏梅

宣正間三楊皆秉樞軸溥榮由進士士奇
以薦舉致相位一日會席間以松竹梅爲
題分賦一詩文敏文定題畢各書賜進士

某文貞知其誚已乃奮筆題梅詩曰竹君子松大夫梅花何獨無稱呼回頭試問松與竹也有調羹手段無二公咲而謝之

假詩投刺

胡文穆廣與楊文貞善約致政歸拿舟往來廣病篤文貞猶在朝時人投詩假楊作云漢朝胡廣號中庸今日中庸又見公堪笑古今兩奸尤天教名姓正相同廣得詩

慚憤而卒按宋陳賈劾朱文公人謂之曰
姬周大聖猶遭謗伊洛名賢亦被譏堪笑
古今兩陳賈如何專把聖賢非前詩蓋祖
此

夏公大度

夏忠靖原吉寬中大度有賜硯僕以冬月
炙冰損破諭而釋之又驛夫偶焚公隻襪
亦笑而不問嘗咏螭首云非龍非虎亦非

巖頭角皆因造化爲不向草茅誇氣象却
於廊廟著威儀昂昂飽歷風霜古默默深
承雨露滋寄語羣飛諸燕雀如來相近莫
相疑

姚少師

姚少師領勅往蜀雲臺觀懸旛至蘇暫駐
寒山寺偶在松下散飯曳履獨行會吳邑
曹三尹喝道來少師行如故尹怒執而笞

之少師受笞不自道人有識之者曰此姚
少師也曹恐伏地請罪少師作詩曰出使
南來坐四船袈裟猶帶御爐烟無端撞著
曹三尹二十皮鞭了宿緣

劉伯川識鑒

泰和劉伯川善觀人楊士奇陳孟潔以故
人子往候之因留款雪霽酒酣命名賦詩
言志孟潔云十年勤苦事雞肋有志青雲

白玉堂會待春風楊柳陌紅樓爭看綠衣
郎士奇云飛雪初停酒未消溪山深處踏
瓊瑤不嫌寒氣侵人骨貪看梅花過野橋
伯川笑曰陳子十年勤苦僅博紅樓一看
當爲風流進士楊子雖寒當大用後孟榮
以永樂丙戌登第以庶常終東里以薦舉
至少師如伯川言

盛允高

正統中吳中盛允高景初爲御史有聲旋
以奏事被謫廣西古田典史未幾陞四川
羅山知縣皆有山水之勝爲詩曰性懶才
疎官亦拙天然處處有青山銓司頗信爲
知己一度遷移一度間有怨而不怒之意
諷觀競渡

鄱陽高舉任御史罷歸謝絕人事一日棹
小舟至城下值郡守飲月波樓觀競渡舉

微服箕坐舟中守怒逮至令其供狀舉書
一絕云皇后升遐末一年今春先帝宣德
又賓天江山草木皆垂淚太守如何看回
船守詢之知爲高侍御慚而罷宴

駝峯熊掌

呂震與解縉談食中美味呂曰駝峯珍美
恨未之識解云僕嘗食之呂知其謬他日
從光祿得死象蹄踰語解曰昨有駝峯之

賜直共饗焉解至大嚼呂談以詩曰翰林
有個解痴哥光祿何曾半路駝不是呂生
來說謊如何嚼得這般多相與大笑而別
○江綠蘿雪濤集載一師命熊掌亦我所
欲也題其徒文中云朝而饗朝此熊掌也
夕而殮夕此熊掌也先生笑曰老夫從不
曾得熊掌嘗新你却把作小菜吃爲之絕
倒

咏桃

古穢雜錄載吳康齋詠桃詩
靈臺清曉玉無瑕
獨立東風玩物華
春趣夜來深幾許
小桃又放雨三花
有吾與點也氣象

烏啄蝗歌

康熙壬子夏吳中大旱飛蝗蔽天竹粟殆
盡蝗亦有爲鴉鵲所食者余家庭中椿樹
有烏巢朝暮飛鳴甚可憎惡斯獨喜其捕

蝗中有一無尾者攫啄尤多胡朔翁喜而
作歌曰昔人曾稱鴉種麥今日喜見鴉捕
蝗吳民徵輸困來久况復連遭水旱殃苗
未插蒔田未墾催科已比五分糧仰屋躊
躇莫措手忽聞蝗來西北方老人昔年被
灾沴談虎色變如虎傷無稼可食且集樹
繩繩振振滋駭惶園竹岸蘆到卽罄黃衣
三使徵夢祥浙中消弭賴刺史使吾蘇漫漫

無短長鳥鳥啞啞高下翔奮迅攫啄如鷹
揚承蜩之捷猶掇爾就中尤羨禿尾狼群
鳥相將飽枵腹吳民或得療飢腸臺上快
睹等捷凱擬草露布爲張皇白公太嘴可
勿謂竟當進號鳥鳳凰瞻鳥爰止在鄰屋
愛之却彈將弓藏湖翁名汝源少爲弟子
員潦倒場屋年八十有五卒

雁詩賜第

宋王奇字漢謀，穎人家貧，補縣小史。令題
雁詩一聯於壁曰：「隻隻听鶯背，曉飛還宿
鴛鴦立寒塘。」名續之曰：「曉來漁棹驚飛
去，書破還天字。」一行令見而詢之，大嘆賞。
使游學都下，真宗得其詩，召見，立賜及第。
時稱天子門生。

書生夜巡

范周字無外，方臘之亂，州民團結巡護。雖

士流不免周率諸生冠帶夜行題詩燈籠
云自古輕儒莫若秦山河社稷付他人而
今重士如周室忍使書生作夜巡守將聞
之亟爲罷去

孔門七十二賢

北齊石動筭嘗詣國學問博士曰孔門達
者七十二人幾人冠幾人未冠博士曰經
傳無文動筭曰先生讀書豈合不解冠者

三十人未冠者四十二人博士曰據何文
解之勦筭曰冠者五六人五六得三十也
童子六七人六七四十二也合之得七十
二人也衆皆大笑○一說又問三千弟子
後漢作何結果答曰二千五百人爲軍五
百人爲旅

小試冒籍

華亭人冒籍上海小試憤其不容大書通

衡云我之大賢與於人何所不容我之不
賢與如之何其拒人也上海人荅云我之
大賢與何必去父母之邦我之不賢與焉
往而不三黜

水香勸盞

扈戴畏內欲出則謁假於細君細君滴水
於地水不乾當歸若去遠則燃香招至某
所以爲限一日因筵聚方三行酒扈色欲

遁衆客覺之譁曰扈君恐砌水隱影香印
過界耳吾輩人撰新句一聯奉酒一盃庶
得早歸不罰衆以爲善一人捧旣吟曰解
稟香三令能遵水五申逼扈飲盡別云細
彈防事水短燕戒時香別云戰兢思水約
匍匐赴香期別云出佩香三尺歸防水九
章別云命繫逡巡水時牽決定香扈連飲
六七巨觥吐嘔淋漓旣上馬羣譟謂使人

日夫人若怪歸遲但道被水香勸酒留住耳

賀喪妻

解縉常弔友人喪妻入門曰恭喜繼曰四德俱無七出咸備嗚呼哀哉大吉大利蓋學士夫人亦悍也

洗馬

劉定之陞洗馬朝遇少司馬王偉王獻之

曰太僕馬多洗馬須一一洗之劉笑曰何止太僕諸司馬不潔我亦常洗○楊文懿公守陳以洗馬乞假行次一驛其丞不知爲何官也坐而抗禮卒然問曰公職洗馬日洗幾馬公漫應曰勤則多洗懶則少洗無定數也俄一御史至則公門人跪而起居丞恐百態乞憐公卒不較

周德華

周德華劉採春女也春時喜踏青郊外見
楊柳垂垂則採其枝結爲同心隨流水放
之每放一枝則歌云碧玉粧成一樹高萬
條垂下綠絲絲不知細葉誰裁出二月春
風是剪刀萬首絕句作賀知章詩

春歸

孟淑卿有春歸詩云落盡棠梨木拍堤淒
淒芳草望中迷無情最是枝頭鳥不管人

愁只管啼

道河亭

穆陵道河亭上有題詩云穀雨初晴綠漲
溝落花流水共沉浮東風莫掃榆錢去爲
買殘春更少留

青桐詞

春來士女踏青郊外有以錯刀畫詞青桐
樹上云春光入水到底碧野色隨人是處

同何事殷勤頻借問妾家止住杏花東

崔唐臣

茗齋隨筆云崔唐臣閩人與蘇子容呂晉叔同學相好二公登第崔遂罷舉後二公在官偶乘馬偕出循汴岸見一人停舟坐蓬窗下乃崔也亟下馬詢其別後况味曰初檢篋中有錢百貫以其半買此舟往來江河間以半販雜貨取息以自給雖云汎

傾飄蓬差愈應舉覓官時也二公邀與同
歸崔不可但問官居坊曲所在別去明日
二公出外歸見崔留一刺再訪之舟已行
矣歸後閱其刺末幅有詩一絕云集賢仙
客問生涯買得漁舟度歲華案有黃庭尊
有酒少風波處便爲家二公爲之撫然

神童詩

神童詩一舉登科日句乃宋陳林贈王俊

民登科詩時韓魏公亦贈詩云青雲一第
人皆有白髮雙親世所無時又有兄弟同
榜者有客贈詩曰綵衣膝下成行舞丹桂
庭前並幹生

聶夷中詩

聶夷中傷田家詩云二月賣新絲五月糶
新穀醫得眼前瘡剜却心頭肉我願君王
心化作光明燭不照綺羅筵偏照逃亡屋

夷中字坦之咸通十二年進士爲華陰尉
此詩最有深意學齋佔俾誤以二月無絲
五月無穀爲解不知二月將事于蠶五月
正力于農而賦稅登征不得不稱貸于有
力者及絲穀旣登則倍息以償是未絲而
賣未穀而糶矣以辭害志豈說詩者乎

種芝蔴

諺云長老種芝蔴未見得吃相傳芝蔴必

夫婦同下種獨種無可得之理長老無妻
者也猶憶唐詩云蓬髮荆釵世所稀布裙
猶是嫁時衣胡麻好種無人種合是歸時
祇不歸

袁伯修

珂雪齋隨筆載袁伯修宗道爲諸生時夢
身暹懸一牙牌上書洗馬二字後書顏回
二字年二十七舉南宮第一官翰林至三

十二頗疑恨明年以宮詹告歸生朝作一枝
花帶折桂令小曲以自壽云秋風高掛
洞庭帆夏雨深耕石浦田春牕飽喫南平
飯笑先生歸忒晚明朝已是三三雕虫阿
懶拈象管野鹿呵難聯鷺班隙駒呵且養
癩年嫩柳成園修竹圍庵講甚麼道非道
夢中的老聃說恁麼空非空紙上的瞿曇
只消過了尋常甲子萬萬千千又八年官

至掌坊卒于京按伯修於詞曲號當家又
有付阿誰楊柳蠻腰知何處桃花人面之
句